



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE**

Broj: _____.

Datum: _____.

PRIJEDLOG

Na osnovu člana 8. i člana 13. Alineja 5. Zakona o principima lokalne samouprave u FBiH ("Službeni novine FBiH", broj: 49/06) i člana 14. Statuta Općine Tešanj ("Službeni glasnik Općine Tešanj", broj: 11/07), Općinsko vijeće Općine Tešanj, na svojoj redovnoj sjednici održanoj, dana, _____ 2014.g., d o n o s i

O D L U K U

o usvajanju i pokretanju aktivnosti radi privođenja namjeni Idejnim projektom prikazanog koncepta izgradnje javne garaže na lokalitetu benzinske pumpe INA kod stambenog naselja Simetrale u Tešnju

Član 1.

USVAJA SE Idejnim projektom prikazan koncept "Javne garaže Tešanj" urađen od strane "Aksa" doo Zenica, na lokalitetu benzinske pumpe INA kod stambenog naselja Simetrale u Tešnju.

Član 2.

Ovlašćuje se općinski načelnik i nadležne službe da poduzmu sve radnje i aktivnosti u cilju realizacije poslova potrebnih za /izgradnju objekta/ u skladu sa Idejnim projektom iz člana 1. ove Odluke (uklanjanje privremenog objekta, eventualne zamjene nekretnine, te poduzimanje svih potrebnih radnji vezano za rješavanje imovinsko pravnih odnosa, te rješavanja pitanja prenosa prava na zemljištu u korist investitora).

Član 3.

Ova Odluka stupa na snagu narednog dana od dana objavljivanja u "Službenom glasniku Općine Tešanj."

Dostavljeno:

1. Općinski načelnik.
2. Općinsko pravobranilaštvo
Općine Tešanj i Doboj-Jug.
3. Općinsko vijeće, ovdje.
4. U spis.
5. Arhiva.

**PREDSJEDAVAJUĆI
OPĆINSKOG VIJEĆA**

Fuad Šišić, dipl.ing.maš.

O b r a z l o ž e n j e

PRAVNI OSNOV:

Član 8. i Član 13. Alineja 5. Zakona o principima lokalne samouprave u FBiH ("Službeni novine FBiH", broj: 49/06) i član 14. Statuta Općine Tešanj ("Službeni glasnik Općine Tešanj", broj: 11/07).

RAZLOZI DONOŠENJA:

INA doo informisala je općinu Tešanj o namjeri rekonstrukcije benzinske pumpe, koja je imala namjeru da ide u rekonstrukciju i građevinske radove u sklopu kojih bi se izvršila rekonstrukcija raskrsnice prema Raduši (budući da je ista trenutno neuređena, saobraćajno loše riješena) kao i da se uredi postojeći neuređeni parking iza sadašnje benzinske pumpe. Općina Tešanj, INA i Kantonalna direkcija cesta održali su niz sastanaka, te je firma koju je angažovala INA ponudila nekoliko rješenja benzinske i raskrsnice, da Kantonalna direkcija cesta nije odobrila predložena rješenja, to su općina i Ina nastavili razgovore oko usaglašavanja idejnog rješenja za rješavanje pitanja rekonstrukcije benzinske pumpe i garažnog prostora sa parkingom.

Na osnovu projektnog zadatka firma "Aksa" doo Zenica ponudila je idejni projekat kojim su predviđena i određena odstupanja od postojećih granica parcela, te će biti potrebno izvršiti zamjenu zemljišta (između općine i Ine).

Na tom lokalitetu se nalazi privremeni objekat koji bi trebalo dislocirati na drugu adekvatnu lokaciju.

Slijedom naprijed izloženog, da je već duži period evidentno da postoje potrebe za garažnim i parking prostorom, smatra se da bi se realizacijom ovog projekta dobilo 30 novih garaža čime bi se smanjio negativan efekat parkiranja po zelenim površinama u stambenom naselju, uredio bi se trenutni neuređeni parking, te dobili i drugi pozitivni efekti.

U cilju pokretanja aktivnosti na implementaciji Idejnog projekta podnosi se ovaj prijedlog Odluke Općinskom vijeću na razmatranje.

O B R A D I V A Č:

Služba za katastar, urbanizam i imovinsko- pravne poslove

POMOĆNIK OPĆINSKOG NAČELNIKA

NADIR Medarić, dipl. ing. geodezije

P R E D L A G A Č: **OPĆINSKI NAČELNIK:** **OPĆINE TEŠANJ**

mr.sc.SUAD Huskić, profesor

Broj: 02-31-8- 58-12/14.

Dana, 10. 02. 2014. g.

